

## Tia iyi Pɔlu í kɔa Titee

### *Pɔlu í ce Titee fɔ*

<sup>1</sup> Amui Pɔlu, woo ce icei Ilaaɗ do woo bei Jesu Kirisi, amui ñ kɔ tiau wa. À bɛm nii n koo n sobi inɛ ña iyi Ilaaɗ í cicaɔ ku ba a dasiɛ naanɛ, nɔ a mà ntɔu si gãmɛi kpãai naanɛ ku dasi nwa. <sup>2</sup> Iyi bei á jò a maa cɔ kpãai kuwɛɛ hai tã. Ilaaɗ ci ya sɔ ibo. Nɔ baa hai kù takai andunya í ce kuwãi kuwɛɛ hai tã. <sup>3</sup> Nɔ nsei, si awaati iyi í jilɛu, í jò ideɛu í fita. Ideui í daam si awɔ n waazɔɛ si bei í jilɛm, nɔu iyi í jɛ Ilaaɗ woo faaba nwa.

<sup>4</sup> Amu Pɔlu ñ wa n ceɛ tiau ihɛ wai, Titee. Si bei do saabum nii ì dasiò Jesu naanɛ bei amu mɔ, nɔui í jò ì jɛ ama abím. Ilaaɗ Baaba do Jesu Kirisi woo faaba nwa a muuɛ didɔ do laakai akã.

### *Icɛ iyi Pɔlu í dasi Titee Kereti*

<sup>5</sup> Ñ jòɛ Kereti bei ku ba i teese ide ña iyi í gbeu, nɔ i cica inɛ ngbo ña si igbei inɛi Jesu ña si ilu ñau fei si bei ñ sɔɛu. <sup>6</sup> Inɛ iyi á jɛ inɛ ngboi igbeu í gbe ku jɛ inɛ iyi kù nɛ taale gɔ, iyi í nɛ abo akã lege lege nɔ amaɛ ña à jɛ woo dasi Jesu naanɛ ña. Ku maà jɛ a maa sɔ iri ña do daa bututu nɔ a maà jɛ amu ña iyi a ci ya jirima inɛ. <sup>7</sup> Ntɔ ntɔ, inɛ ngboi igbeu icei Ilaaɗi wa ce. Na nɔu í gbe ku jɛ hai nɛ taale. Kù sɩa ku jɛ ilu faau, walakɔ ilu idɔkɔ, walakɔ woo mɔ atɛ, walakɔ à bi ija, walakɔ inɛ iyi wa bi ku ba fia do bisi laalo. <sup>8</sup> Amma í gbe ku jɛ inɛ iyi í ya yaaɛ inɛ njoo ña, nɔ ku ya bi mii jiida ku ce. Nɔ ku jɛ inɛ iyi í mà araɛ. Ku jɛ inɛ dee dee do inɛ kumá nɔ ku ya saku. <sup>9</sup> Í gbe

ku maa mu ide iyi í ne naaneu dim dim si bei à kɔaa si. Bɛɛbei á yɔkɔ ku mua ine ɲa iyi à gbe gbugbã nɔ ku tuse ɲa yaasei cio jiida nɔ ku kãmia woo jã ide ɲa.

<sup>10</sup> Ñ wa n fɔ bɛɛbei domi ine nkpɔi í wa si igbeu iyi a kù waa jirima ine ngbo ɲau, ine ɲa iyi à waa dasi ine ɲa iju dūdū do ide nfe. Si inɔ ɲa, Zuifu ɲa iyi à dasi Jesu naaneu, aɲa mɔm nii à re. <sup>11</sup> Í gbe a ganji ɲa, domi à waa bitandi nyaanze nkpɔ si bei à ya maa cio ɲa mii iyi kù jɔ. À ya maa ce bɛɛbei ku ba a baɔ fia do sisi laalɔ. <sup>12</sup> Inei Kereti gɔ takae iyi í je woo sisi ide iwɛ ɲa í ni, waati kãma fei inei Kereti ɲa woo sɔ ibo ɲai, nɔ à gaabu bei ɲai sako ɲa, ilu ika ɲai, lasabu ɲa fei si kpãai ijei í wa. <sup>13</sup> Nɔ ide iyi í fɔu ntɔi. Na ɲɲu, sɔ ɲa ide do kugaabu ku ba a leekɪ dim dim si kpãai naane ku dasi, <sup>14</sup> nɔ a maà na a too si alái Zuifu ɲau, walakɔ woodai ine ɲa iyi à yaa hai si kpãai ntɔ. <sup>15</sup> Mii fei í mái bi ine ɲa iyi à má, amma nkãma ci ya má bi ilu riisi ɲa do hai dasi naane ɲa, domi lasabu ɲa do idɔ ɲa fei í ne riisi. <sup>16</sup> À waa fɔ do gele à ni aɲa à mà Ilaaɔ, amma kookoosu ɲa wa jã ɲa ide. À je ine laalɔ do woo kò ide ɲa, a kaa yɔkɔ a ce mii jiida kãma má.

## 2

### *Kukəsi jiida*

<sup>1</sup> Awɔ takae kɔ ɲa si cio jiida. <sup>2</sup> Sɔ mɔkɔ ngbo ɲa a jɔ a mà mii iyi à waa ce, nɔ a je ilu bɛɛɛ iyi à mà ara ɲa nɔ a leekɪ si kpãai naane ku dasiu dim dim do ti kubi do ti temua. <sup>3</sup> Sɔ abo ngbo ɲa mɔ a maa je kuwɛɛ ɲa dee dee béi í jɔ inei Ilaaɔ ɲa à ya ce. A maà je woo sɔ irii ine ɲa wala woo mɔ atɛ. Í sɪa a ya

maa mua abo aso məkə saatarə ɲa bisi jiida <sup>4</sup> ku ba a mà bei aa bi məkə ɲɲa ɲa do ama ɲɲa ɲa. <sup>5</sup> Nə a kə ɲa si a mà ara ɲɲa a je inɛ ɲa iyi aa leeki do məkə ɲɲa ɲa a maa ce icei abo aso məkə ɲɲa, a je inɛ jiida ɲa iyi aa sūa məkə ɲɲa ɲa iri ile. Iyi bei á jò inɛ gə kaa yəkə ku fə laalbi ideɪ Ilaaɗ na iri ɲɲa.

<sup>6</sup> Sɔ awaasū ɲa mə a mà ara ɲɲa. <sup>7</sup> Bɛɛbɛ mɔi awə takæ, i ya jò a ye siɛ jiida ku ce si mii fei. Si cioɛ, nyisi ɲa iyi ì je dee dee nə ì waa ce mii iyi à dasiɛ. <sup>8</sup> Sɔ ɲa ideɪ ntəu iyi a kaa yeð taaleɪ ideɛ. Iyi bei á jò anyə ku mu mbɛɛ ɲɲɛ ɲa domi a kaa ba laalɔ nwa a fə.

<sup>9</sup> Sɔ aru ɲa mə a jirima lafɛɛ ɲɲa ɲa si mii fei nə a ya ce mii iyi á dɔ ɲɲa si. A maà ya ba ɲa kakəɔ ku ce, <sup>10</sup> nə a maà ya ce ɲa ile, amma a nyisi ara ɲɲa iyi aɲa à je ilu naanɛ si mii fei. Bɛɛbei inɛ ɲa aa màð bɛɛrei cioi Ilaaɗ woo faaba nwa.

<sup>11</sup> N̄ ni i ce bɛɛbei domi Ilaaɗ í jò didɔɛ í naa si andunya. Didɔu á yəkə ku mua inɛ fei faaba. <sup>12</sup> Didɔu wa sɔ wa ka jò kədəɛi andunya do kuwɛɛ iyi kù waa mà bɛɛrei Ilaaɗ. Bɛɛbei aa ka ce kuwɛɛ nwa si andunyau ih̄ɛ dee dee, ka màð ara nwa, nə ka màð bɛɛrei Ilaaɗ, <sup>13</sup> nə ka maa degbeð ajə jiida iyi à waa cə kpāæ, si bii Jesu Kirisi woo faaba nwa á nyisi amboɛɛ. Jesu Kirisi ɲɲui í je Ilaaɗ, nə ɲɲui í la. <sup>14</sup> Í so aræ í na na iri nwa ku ya wa hai si laalɔ baa yooma fei, nə ku ce wa inɛ kumá ɲa ka na ka je bei dimi akā iyi á je titi ɲɲu akā nə ka je ilu himma ka maa ceð ice jiida.

<sup>15</sup> Bɛɛbei í s̄ia i ya cioa inɛ ɲa. Sɔ ɲa ide do kugaabu, nə i mu ɲɲa gbugbā si bei ì ne kpāæ. Maà jò inɛ gə ku dondaɛ.

### 3

#### *Isɛɛnɛi inɛi Jesu ɲa*

<sup>1</sup> Ye inɛi igbɛi Jesu ɲau fei gigi a ya sūa ilaalui ilɛ ɲa do inɛ ngbo ɲa iri ilɛ, a ya jirima ɲa, nɔ a ya tã sɔɔlu si icɛ jiida fei ku ce. <sup>2</sup> Sɔ ɲa a maà ya fɔ laalɔi inɛ gɔ, nɔ a maà ya de anui inɛ gɔ, amma a ya cea inɛ fei jiida nɔ a nyisi inɛ ɲa daa didɔ. <sup>3</sup> Í sɛa ka ce bɛɛbɛ domi tako wo awa mɔ à yɛi bɛi inɛ ɲa iyi à gbe. A kù nɛ yaase, a ci ya ka jirima Ilaaɔ, à ya ka maa ce kurara. Kɔdɛɛi andunya baa yooma fei do faayi ɲai à waa nɛò wa. À waa ce kuwɛɛ nwa do inɔ sãmi do binɛ. Nɔ à cé nɛ. <sup>4</sup> Amma waati iyi Ilaaɔ woo faaba nwa í nyisi jiida ku jɛɛ do bɛi í bi amanɛ ɲa, <sup>5</sup> í faaba wa. Waati bɛɛbɛi Hundɛɛ iyi í da nwa si í bí wa isɛ gbeejisia nɔ í mu nwa kuwɛɛ titɔ. Kù faaba wa si na iyi í jò à ce icɛ jiida, amma si na iyi í jò í ce araare nwaí. <sup>6</sup> Ilaaɔ í mu nwa Hundɛɛ do inɔ akã na saabui Jesu Kirisi woo faaba nwa, <sup>7</sup> ku ba ka na ka jɛ inɛ dee dee si wajui Ilaaɔ na didɔɛ nɔ ka jɛ tubui kuwɛɛ hai tã iyi à waa cɔ kpãaɛ. <sup>8</sup> Ideu í nɛ naanɛ. Ñ bi i fɔ ideu i sisi ku ba inɛ ɲa iyi à dasi Ilaaɔ naanɛ a ce kookaai a ceò icɛ jiida. Ideu ide jiidai nɔ í nɛ aranfãani bi inɛ ɲa. <sup>9</sup> Amma i ya fɛò kudɛɛi ide hai nɛ yaase ɲa ku ce, nɔ i maà ya de irii bala nwa ɲa kú mà, nɔ i maà ya maa ce kakɔɔ hai tã si gãmɛi wooda. Iyi bɛ fei ngbɛi, kù nɛ aranfãani kãma. <sup>10</sup> Inɛ iyi wa fɛɛfɛ inɛ ɲa, sɔɔ bɛi isɛ gbeeji i bɛi i nya lafɛɛ ikã. <sup>11</sup> Awɔ takɛ ì mà iyi amanɛ dimi bɛɛbɛ í yaai hai si kpãa jiida, wa ce ðulum nɔ kookoosue í jò à yɛ taaleɛ.

#### *Idei ankãanyi*

<sup>12</sup> Wee an na n bɛ Aatemasi walakɔ Tisiki wa bi tɛɛ. Waati iyi inɛ akã ɲja á na ku to wa, ce kookaai

i naa i bam Nikopolisi, domi bei ñ bi n maa n wa sukui tūtū. <sup>13</sup> Mua Zenasi woo mà woodau do Apolo bukaatai mii iyi à bi fei si iseeεε ηηau, ku ba ngəgə ku maà gaizia ηa. <sup>14</sup> Í s̄ia ine nwa ηau mə a hanya si icε j̄iida ku ce, ku ba a ba bukaatai mii iyi à bi nə a maà jε kuwεε ηηa ngbe ngbe.

<sup>15</sup> Inε ηa iyi à wa bi tom ih̄ē fei à ceε fəə. Ce ine ηa iyi à bi wa si kp̄āai naane ku dasi fəə.

Didōi Ilaaō ku wa si iηe fei.

## **Akabuu Titõi Idei Ilaa** **Monkole New Testament**

copyright © 2006 SIM International

Language: Monkole (Mokole)

Translation by: SIM International

### **Monkole, Akabuu Titõi Idei Ilaa**

This translation, published by the UEEB/SIM au Benin, was published in 2006.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

---

PDF generated using Haiola and XeLaTeX on 21 Feb 2024 from source files dated 29 Jan 2022

596bf1bc-1348-53da-8787-98c1d2a18282